

**ZAPISNIK SA
IX (PROŠIRENE) SJEDNICE UPRAVNOG ODBORA
UDRUŽENJA POSLODAVACA U FBIH**

koja je održana dana 23.01.2024. godine (utorak), sa početkom u 12:00 sati u prostorijama u
Hotelu Austria & Bosna, Hrasnička cesta broj 14, Sarajevo

Na sjednici su prisustvovali članovi Upravnog odbora: Adnan Smailbegović, Snježana Koepruner Nihad Imširović, Mujo Hasić, Behrija Huseinbegović, Kemal Čolak, Enver Malagić, Ladislav Bevanda, Rasim Memagić, Šejla Bojadžija, Samir Mustafić, Nijaz Skenderagić i Tomislav Majić.

Na sjednici su po ovlaštenju članova UO prisustvovali: Rijad Hasić (po ovlaštenju Adema Hanića) Maja Budimir (po ovlaštenju Penava Jadranke).

Na sjednici nisu prisustvovali: Džemal Hasković, Edin Ibrahimpašić, Damir Vidačak, Tomislav Vrdoljak, Nedžad Siočić i Edin Jabandžić koji su opravdali svoj izostanak.

Sastanku su pored članova Upravnog odbora prisustvovali predsjednici i članovi UO Grupacija poslodavaca KS, ZE-DO, TK, USK i SBK kao i Udruženja poslodavaca BPK i Udruženja poslodavaca Biznis Tešanj. Također sastanku su prisustvovali i članovi delegacije ESV-a.

Zbog važnosti su sjednici prisustvovali i predstavnici privrednih subjekata koji nisu formalno članice Udruženja, predstavnici akademske zajednice, PR stručnjaci i dr. Spisak učesnika je sastavni dio zapisnika .

Ispred UP FBiH: Mario Nenadić, direktor, Mersiha Jusić, sekretar i Vedrana Živković, odnosi sa javnošću.

Sjednicu je otvorio Adnan Smailbegović, predsjednik Upravnog odbora Udruženja poslodavaca i predložio sljedeći:

DNEVNI RED

1. Konsultacije vezano za prioritete programskih aktivnosti UPFBiH za 2024.godinu;
2. Aktivnosti na jačanju uloge i članstva UP FBiH;
3. Tekuća pitanja;

Predloženi Dnevni red je jednoglasno usvojen.

RASPRAVLJANJE PO TAČKAMA DNEVNOG REDA:

Prisustvi su se složili da se zajednički raspravljaju tačka 1 i 2.

Tačka I Konsultacije vezano za prioritetne programske aktivnosti UPFBiH za 2024.godinu

Tačka II Aktivnosti na jačanju uloge i članstva UP FBiH;

Uvodne napomene dao je gosp. Adnan Smailbegović, predsjednik Udruženja koji je tom prilikom naglasio da su poslodavci nezadovoljni su odnosom i radom aktuelnih vlasti na državnom, federalnom i kantonalnim nivoima na provedbi reformi i donošenju sistemskih propisa čija bi primjena omogućila povećanje plaća zaposlenih u realnom sektoru, konkurentnost privrede, zaustavljanje odlaska kvalificirane radne snage iz BiH. Istakao je da je cilj današnjeg sastanka da se zauzmu jasni stavovi vezano za strategiju i način rada UPFBiH kao i aktivnosti na jačanju uloge i članstva UPFBiH.

Potom je predsjednik Smailbegović pozvao direktora Udruženja gospodin Marija Nenadića, da prezentira realizirane aktivnosti Udruženja u 2023.godini i pregled prioriteta za 2024.godinu.

Tokom prezentacije gđin. Nenadić je posebno naglasio sljedeće :

U 2023.godini realizirane su sljedeće aktivnosti :

- ✓ Održani brojni sastanci sa političkim strankama na kojima je prezentiran dokument „Šta poslodavci očekuju od vlasti“;
- ✓ Upućena inicijativa „Povećanje plaće za 400 KM na koje se ne plaćaju doprinosi” - Izmjene i dopune zakona o doprinosima FBiH i Zakona o porezu na dohodak FBiH kao privremeno rješenje do donošenja sistemskih zakona;
- ✓ Stalno insistiranje na donošenju Zakona o porezu na dohodak, Zakona o porezu o doprinosima i Zakon o porezu na dobit;
- ✓ Upućena inicijativa za izmjenu propisa koji se odnose na zdravstveno osiguranje (smanjenje obaveze naknade plaće za vrijeme bolovanja koja pada na teret poslodavaca);
- ✓ Usaglašen tekst Zakona o posredovanju u zapošljavanju i socijalnoj sigurnosti nezaposlenih osoba;
- ✓ Pripremljen i u proceduru upućen Zakon o zapošljavanju stranaca kojim se pojednostavljuje procedura zapošljavanja stranaca;
- ✓ Unapređenje politika i strategija zapošljavanja domaće radne snage, ali i uvoza stranih Priprema inicijative za izmjena i dopuna propisa iz oblasti zaštite na radu;

- ✓ Kontinuirane aktivnosti na usklađivanju sistema obrazovanja sa potrebama tržišta rada;
- ✓ Svakodnevne aktivnosti na uspostavi i početak rada Ekonomsko-socijalnog vijeća za teritoriju FBiH;
- ✓ Tromjesečne aktivnosti na sprječavanju povećanja cijene električne energije;
- ✓ Zahtjev za donošenje odluke o ograničavanju povećanja cijene električne energije za privredna društva
- ✓ Inicijativa za ukidanje odluke o propisivanju mjere neposredne kontrole cijena utvrđivanjem maksimalne visine marži na pojedine osnovne životne namirnice i druge proizvode
- ✓ UPFBiH direktno učestvovalo u pripremi zakona o posredovanju u zapošljavanju i socijalnoj sigurnosti nezaposlenih osoba
- ✓ Održalo niz sastanaka sa ambasadorima i predstavnicima delegacije EU u BiH i USA-a
- ✓ radnika kroz izmjene zakona o strancima bih kao i podzakonskih i provedbenih akata;
- ✓ Održani brojni sastanci sa predstavnicima vlasti na kojima su se razmatrale inicijative udruženja poslodavaca u FBiH
- ✓ Učestvovalo u "prepoznavanju" i otklanjanju brojnih administrativno-pravnih prepreka za realizaciju pitanja od interesa za poslovnu zajednicu
- ✓ Održana Konferencija UPFBiH "Opterećenje cijene rada i tržište rada u FBiH"
- ✓ Poslovni događaj "Povećanje ekonomske razmjene između BiH i Slovenije,,
- ✓ Konferencija UPFBiH "Fiskalna i parafiskalna opterećenja i tržište rada u FBiH: stanje i perspektive"
- ✓ Održane brojne PRESS konferencije;
- ✓ Održana redovna Skupština UPFBiH;
- ✓ Održani redovni sastanci UO UPFBiH i UO Grupacija;
- ✓ Potpisano je pet izmjena i dopuna granskih kolektivnih ugovora i dva nova granska kolektivna ugovora;

Sa ciljem jačanja kapaciteta UPFBiH je u 2023. implemetiralo sljedeće projekte:

REALIZIRANI PROJEKTI U 2023. GODINI

Udruženje poslodavaca u Federaciji BiH

Mula Mustafe Bašeskije 12/3, 71000 Sarajevo - Bosna i Hercegovina

Tel: +387 33 264 830 / Tel/fax: +387 33 552 461 / info@upfbih.ba

- ✓ Projekat EU sa UPRS „Doprinos organizacija civilnog društva poboljšanju uticaja preduzetništva na socio-ekonomski razvoj BiH – EISE projekat“;
- ✓ Projekat ILO i EU „Podrška Udruženju poslodavaca u FBiH u uspostavljanju Help desk-a za preduzeća u upravljanju zaštitom na radu“;
- ✓ Projekat Zavod za zapošljavanje FBiH „Obuka engleskog jezika i informatike mladih i žena koji su stekli zvanje prodavač/trgovci turistički ugostitelj“;
- ✓ Projekat CRS Preporuke za izmjene i dopune Zakona o zapošljavanju stranaca u FBiH kako;
- ✓ Projekat sa UNFPA „Prevazilaženje nedostajuće radne snage u privredi i jačanje kapaciteta neaktivne ženske populacije“;

Za 2024.godinu Udruženje bi trebalo posebno nastaviti rad na sljedećim prioritetnim pitanjima :

- Unaprjeđenje ekonomsko-socijalnog dijaloga sa vlastima (konačna uspostava ESV FBiH);
- Usvajanje seta fiskalnih zakona (Zakon o porezu na dohodak, Zakon o doprinosima, Zakon o porezu na dobit, minimalnoj plati i dr.);
- Reforme u posredovanju u zapošljavanju i evidencijama nezaposlenih osoba (razdvajanje obaveznog zdravstvenog osiguranja od funkcije posredovanja u zapošljavanju);
- Reforme u oblasti zdravstvenog osiguranja i zaštite (smanjenje tereta bolovanja na račun poslodavaca, povrede na radu i dr.);
- Usklađivanje sistema obrazovanja sa potrebama tržišta rada - kroz aktivnosti Federalnog ministarstva i koordiniranja sa nadležnim kantonalnim ministarstvima
- Bolje korištenje raspoloživih Fondova i priprema ciljanih Projekata zavoda i službi FBiH za realizaciju projekata osiguranja i zadržavanja radne snage, zapošljavanja, prekvalifikacije, dokvalifikacije, stručnih obuka i dr.
- Unaprjeđenje politika i propisa za uvoz strane radne snage;
- Uključivanje Udruženja poslodavaca u FBiH u svim fazama pripreme donošenja propisa, a posebno kroz proceduralna pitanja, fiskalnu procjenu i druge utjecaje koje će propisi proizvesti;
- Unaprjeđenje pitanja prava na rad i zapošljavanja isključenih grupa nezaposlenih osoba u FBiH (osobe sa invaliditetom kroz rad na otvorenom tržištu rada, pravo rada studenata, rad stranaca sa priznatim statusom u BiH, žene i dr. u ruralnim krajevima, kao odgovor na nedostatak radne snage)

- Aktivna uloga u utvrđivanju cijene el. Energije, energenata, sirovina;
- Kroz ekonomsko-socijalni dijalog i druge legalne mehanizme nastaviti sudjelovanje i iniciranje reformi i u oblasti rada i zapošljavanja, kolektivnog pregovaranja, fisklane politike, industrije, trgovine, usluga, obrtništva i dr.
- Aktivnije uključivanje u proces europskih integracija, posebno usaglašavanje propisa, priprema i realizacija projekata iz EU fondova i uključivanje u rad svih foruma koji sudjeluju u EU integracijama;
- Priprema Projekata sa ciljem jačanja Udruženja uloge u sistemu (prema vladama, ministarstvima privrede, zavodu i službama za zapošljavanje, međunarodnim organizacijama, nevladinim organizacijama i dr.)

Pored ovih pitanja iz nadležnosti Federacije BiH naši ključni prioriteti na nivou BiH bit će i dalje:

- Inicijativa za izmjene Zakona o PDV-u, posebno kroz pomjeranje roka za plaćanje PDV-a na zadnji dan u mjesecu, plaćanje PDV-a po naplati fakture za obrtnike i male firme i ukidanje prava na odbitni PDV za fakturu koja nije plaćena;
- Aktivnosti na donošenju Strategije i izmjene propisa iz oblasti zapošljavanja stranaca u BiH;
- Pojednostavljenje carinskih procedura;
- Izmjene Zakona o javnim nabavkama;

Potom je predsjednik Smailbegović otvorio raspravu u kojoj su sudjelovali:

Prof.dr. Nedžad Polić, Kemal Čolak, član UO I Predsjednik grupacije poslodavaca SBK pri UPFBiH, Safudin Čengić, član delegacije ESV-a i član UO UPKS, Suad Ećo, Predsjednik UO UP KS, prof. dr. Jasmin Halebić, Samir Mustafić, član UO UPFBiH, Alija Budnjo, Snježana Koepruner, potpredsjednica UO UPFBiH, Rijad Hasić, zamjenik člana UO, Salih Lemeš, član UO UP KS, Ladislav Bevanda, član UO UPFBiH, Šejla Bojadžija, član UO I predsjednica UO UPBPK, Muhamed Pilav, Predsjednik Skupštine UP KS, Zoran Blagojević, PR, Salem Ekmešćić, član UO Grupacije SBK.

Tokom rasprave naglašeno je sljedeće:

Posebno je izraženo nezadovoljstvo odnosom i radom aktuelnih vlasti na državnom, federalnom i kantonalnim nivoima na provedbi reformi i donošenju sistemskih propisa čija bi primjena omogućila povećanje plaća zaposlenih u realnom sektoru, konkurentnost privrede, zaustavljanje odlaska kvalificirane radne snage iz BiH, ali i omogućilo bolji životni standard građana.

Istaknuti privrednici, članovi Upravnog odbora, naglasili su tokom sjednice da se uvjeti za poslovanje u FBiH pogoršavaju, da kompanije iz FBiH gube konkurentnost na svjetskom tržištu te da su u naročito teškom položaju izvozno orijentirane kompanije. Poseban problem predstavlja

tržište rada na čijoj liberalizaciji insistiraju poslodavci već godinama, a koje je još uvijek opterećeno sporim i neefikasnim procedurama, neusvajanjem Zakona o posredovanju u zapošljavanju, Zakona o zapošljavanju stranaca u FBiH i dr.

Nakon vrlo iscrpne i konkretne rasprave po tačkama dnevnog reda, zaključeno je sljedeće :

1. Stručna služba Udruženja će u najkraćem roku, pripremiti detaljan pregled zaključaka sa sjednice i isti proslijediti nadležnim predstavnicima izvršne i zakonodavne vlasti na svim nivoima u BiH ;
2. Ukazati i upozoriti sve nadležne, ali i javnost putem medija na stanje u poslovnom okruženju i prioritetima koje poslodavci očekuju od vlasti da se u što skorijem roku počnu rješavati;
3. Upoznati i predstavnike ambasada EU, SAD i druge šta je potrebno da se uradi kako bi se stanje unaprijedilo i BiH krenula ubrzano u očekivane reforme
4. Kako bi se glas svih socijalnih partnera (vlasti, poslodavci i sindikati) čuo i usaglasio, potrebno je da sa radom otpočne Ekonomsko – socijalno vijeće FBiH;
5. Najaviti pojačane aktivnosti Udruženja poslodavaca na svim nivoima s ciljem pokretanja dugo očekivanih reformi na planu rasterećenja cijene rada i uslova poslovanja, a posebno reformi u oblasti fiskalne politike (porezi, doprinosi, dobit), utvrđivanja minimalne plate, parafiskalnih opterećenja, liberalizacija tržišta rada, zdravstvene zaštite, posredovanja u zapošljavanju, usklađivanja sistema školstva sa potrebama tržišta rada i dr.
6. Tražiti hitno održavanje tematskih sjednica izvršne i zakonodavne vlasti na svim nivoima, s ciljem unaprijeđenja uvjeta poslovanja i pokretanja neophodnih reformi;
7. Od medija, posebno javnih servisa zatražiti podršku u “rasvjetljavanju” problema i vršenju pritisaka na vlasti da se ubrzano iznalaze neophodna rješenja;

Zapisnik sačinila: Mersiha Jusić

PREDSJEDNIK UPRAVNOG ODBORA

Adnan Smailbegović